

Alkitab Buat Bocah
Nampilin

Gadis Nyeng
Idup Dua
Kali



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Yairus itu pemimpin agama Yahudi nyeng nyembah Tuhan ama ngajarin Sabda Tuhan sama orang-orang laen. Satu ari, masalah nyeng bikin ngeri nimpa

Yairus. Anak gadisnya nyeng baru berumur dua belas taun jatuh sakit. Kaga ada nyeng bisa nulungin. Sakitnya parah banget. Yairus tau anak gadisnya bakal mati.



Cuman ada satu orang nyeng bisa nulungin anak gadis Yairus. Yairus pegih buat nyariin Yesus dan ngebawaNya balik lagi ke rumahnya. Bisa jadi Yairus tau kalo sohib-sohib agamanya kaga bakal setuju ama Yesus.



Tapi Yairus kaga peduli. Dia kudu ngedapetin bantuan secepatnya sebelum anak gadisnya mati.



Yairus nemuin Yesus,
lagi dikerubutin orang
banyak.



Dia sedeku di kaki
Yesus. "Anak
gadis kecilku
ngegeletak
sakit, ampir
mati," orang
nyeng putus
asa itu
memelas.
"Dateng ke
rumahku dan
taro tanganMu
dibadannya, dia
bakalan waras, dan
dia tetep idup."





Yesus pegihn bareng ama Yairus. Tapi mereka kaga bisa jalan cepet sebab banyak kerumunan orang. Ada perempuan nyeng sakit parah udah dua belas taun. Dia udah pegih ke semua tabib (dan ngabisin semua bandanya), tapi kaga ada nyeng bisa nulungin. Ah, pengen banget dia ketemu ama Yesus!





Apa nyeng bisa dikerjain ama perempuan itu? "Kalo bisa aku pegang jubahNya, aku bakalan waras," perempuan itu sambil ngedumel. Dia ngengsod ngedeketin Yesus, lantas dia ngulurin tangannya, dan dia pegang jubah Yesus.






Ajaib! Ajaib! Perempuan itu waras. Langsung! Semuanya! Dia tau dia seger dan kuat dan waras. Tapi lantas kedengeran ada suara. "Sapah nyeng megang Aku?" Yesus nanya. Banyak orang megang Dia. Tapi perempuan nyeng udah dibikin waras itu tau Yesus pengen dia bilang sama Yesus soal ini. Saat itu juga dia ceritain semuanya sama Yesus.



Saat itu, pembantu-pembantu datang dari rumah Yairus. Muka mereka bisa jadi bilang cerita nyeng sedih sebelon mereka ngomong. "Anak gadismu udah mati," mereka bilang sama Yairus. Mati! Udah telat. Bisa jadi kalo perempuan itu kaga pake nunda perjalanan itu...bisa jadi, kalo...Mati! Anak gadis Yairus nyeng penting itu udah pegih.



Pas Yesus
ngedenger soal itu,
Dia bilang, "Jangan
takut, percaya aja,
dan dia bakal
waras!" Sungguh
sulit buat Yairus
buat bener-bener
percaya ama Yesus.
Anak gadisnya udah
mati.



Di rumah, setiap orang pada nangis dan ngegerung-gerung buat gadis kecil itu. "Dia kaga mati, cuman tidur," Yesus bilang sama mereka.

Mereka ngetawain Yesus. Mereka tau anak gadis itu udah mati.



Yesus nyuruh mereka semua keluar, lantias megang tangan anak gadis itu dan bilang, "Gadis kecil, bangun!"



Yairus ada di sono. Bininya juga ada di sono. Tiga murid Yesus ada di sono. Mereka semua ngedenger omongan Yesus. Mungkin kaga gadis kecil nyeng udah mati itu ngedenger mereka juga?



Gadis kecil nyeng udah
mati itu ngedenger
perintah Yesus!
Ruhnya balik
lagi, dan dia
langsung
bangun. Yesus
ngebangkitin
dia dari mati.



Orangtua gadis itu heran. Yesus bilang sama mereka supaya ngasih makan anak gadis itu. Bukan maen girangnya mereka, begitu bersyukur ama Yesus. KasihNya nyeng luar biasa ama kuasaNya ngebawa anak gadis mereka balik lagi dari matinya.



Gadis Nyeng Idup Dua Kali

Sebuah cerita dari perkataannya Tuhan, Alkitab

Ditemuin di

Markus 5; Lukas 8

"Palang pintu Firman Engkau ngasih terang."
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

